

Ovo je lista slušnih, govornih i jezičnih sposobnosti koje treba da ima beba sa normalnim sluhom:

Od rođenja do tri mjeseca...

- ♥ Plaši se glasnih zvukova
- ♥ Utihne kad čuje poznate glasove
- ♥ Kad vi govorite glavu okreće prema vama

Tri do šest mjeseci života...

- ♥ Očima prati zvukove
- ♥ Proizvodi različite zvukove: ciči, cvili, i/ili kikoće
- ♥ Uživa u zvečkama i igračkama koje proizvode zvukove

Okolo šest mjeseci života...

- ♥ Okreće glavu prema zvuku
- ♥ Počinje da imitira govorne zvukove
- ♥ Brblja, "ma-ma", "ga-ga", "ta-ta"

Okolo devet mjeseci života...

- ♥ Okreće glavu prema tihim zvukovima
- ♥ Razumije "ne-ne" ili "pa-pa"
- ♥ Imitira govorne zvukove drugih

Okolo dvanaest mjeseci života...

- ♥ Tačno upotrebljava "ma-ma" ili "ta-ta"

Ako imate pitanja u vezi sa razvojem sluha ili govora vaše bebe, molimo vas da se obratite profesionalnom medicinskom osoblju koje se brine za vašu bebu.

Ova publikacija može da se nabavi u drugačijim formatima kao što su pismo Braille, velika slova i audio-trake ako se obratite sljedećem uredu:

**MINISTARSTVO ZA ZDRAVSTVO I USLUGE STARIJIM OSOBAMA DRŽAVE
MIZURI**

Odjel za zajednicu i javno zdravstvo
PO Box 570
Jefferson City, MO 65102
800-877-6246
Mizuri relej 800-735-2466
<http://www.dhss.mo.gov/NewbornHearing>

Za informacije o drugim zdravstvenim uslugama za majke i djecu nazovite:
800-TEL-LINK (800-835-5465)

POSLODAVAC JEDNAKIH MOGUĆNOSTI/AFIRMATIVNE AKCIJE
Usluge se pružaju bez diskriminacije.

Prvi test sluha vaše bebe



Program za testiranje sluha novorođenčadi

**MINISTARSTVO ZA ZDRAVSTVO I USLUGE STARIJIM OSOBAMA DRŽAVE
MIZURI**

Zašto moja beba treba da prođe testiranje sluha?

- Oštećenje sluha jedna je od najčešćih bolesti koje se javljaju kod rođenja. U državi Mizuri sve bebe prolaze test na moguće oštećenje sluha.
- Bebe ne mogu da nam kažu da ne čuju. Testiranje je jedini način da se otkrije oštećenje sluha kod beba.
- Bitno je da se problemi sa sluhom dijagnostišu što je prije moguće. Prve dvije godine u životu vaše bebe najbitnije su za učenje govora i jezika. Ako vaša beba ima oštećenje sluha, ona će da propusti mnoge bitne mogućnosti za učenje.

Kada se provodi testiranje sluha?

Testiranja sluha obavljaju se u bolnici svega nekoliko sati nakon rođenja vaše bebe.

Kako se provodi testiranje?

Sluh novorođenog djeteta moža da se testira specijalnim aparatima korištenjem jedne od dviju brzih metoda:

OAE: Oto-akustična emisija izvodi se unošenjem sitnih mikrofona u vanjski ušni kanal vaše bebe i snimanjem odgovora srednjeg uha na pucketanje ili prasak tonova.

ABR: Evocirani slušni odgovor moždanog stabla izvodi se stavljanjem elektroda na skalp bebe i mjerenjem moždanih talasa koji nastaju kao odgovor na pucketanje.

Šta treba da znam u vezi sa testiranjem sluha?

- Testiranje je sigurno, bezbolno i može da se završi za 10-tak minuta.
- Većina beba prespava testiranje.
- Rezultati testiranja će da budu gotovi prije vašeg izlaska iz bolnice.
- Rezultati su “prolaz” ili “uputi dalje.”

Obavezno bolnici treba da date ime liječnika vaše bebe ili klinike da bi mogli da dobiju rezultate poštom.



Zašto nekim bebama treba još jedan test sluha (“uputi dalje”)?

- Neke bebe treba da prođu još jedan test zbog:
 - tekućine u uhu
 - jer su se puno micale za vrijeme testa
 - jer je u prostoriji za testiranje bilo bučno
 - jer imaju oštećen sluh
- Ako vaša beba ne prođe testiranje sluha treba da se pobrinite da joj se sluh što prije ponovo testira ili da bude upućena audiologu na testiranje.
- Većina beba kojima je potrebno još jedno testiranje imaju normalan sluh. Neke imaju oštećen sluh.

Da li je moguće da novorođenče prođe testiranje sluha iako ima oštećen sluh?

- Da, neke bebe čuju dovoljno dobro da prođu prvi test, ali kasnije dobiju oštećenje sluha zbog:
 - Neke bolesti
 - Neke povrede
 - Nekih lijekova
 - Drugih slučajeva oštećenja sluha u djetinjstvu u porodici
- Listu normalnih sposobnosti u razvoju sluha koja se nalazi na poledini treba da koristite kao vodič. Bebe i djeca koja imaju probleme mogu da ostvare pravo na usluge.